

اسے قوم کسے نا تہذیب و تمدن، اونا انداز فکر نا اندازہ اونا ادب آن مریک۔

ادب نا بنا خلقی ادب آن مریک۔

براہوئی زبان اٹ ہم خلقی ادب نا اسے بلوئش کس خونڈی ئے۔

خلقى یا لوک ادب ئے نن چندى بشخ آتے ٹی بشخنگ کنگ کینہ۔

دہنکہ خلقى شاعرى، خلقى قصہ غاک، متل و وساہت آک، چاچاک

## لوک شاعرى یا خلقى شاعرى

لوک شاعرى یا خلقى شاعرى ہمو شاعرى ئے پارہ ہرادے کہ ننا پہلوالی یا خلقى مخلوق جوڑ کرینے۔

خلقى شاعرى ٹی ننے چندى موضوع تے آشیر دو بریک۔

دہنکہ سانگ برام، چنانا پیدائش، تینا تے آن مری، ہمپ و بٹ موسم نا سختی سوریک۔

ننا خلقى شیرک ہروڈاٹ ننا خلقى و پہوالی زندنا درشانی ئے بھاز کچینی اٹ کیرہ۔

دا شیرک ننا شوان، بزغر، زال بول آتا جوڑ کروکو۔

دا خلقى شیرک ہرا زمانہ ٹی جوڑ مسونو داباروٹ نن ہیچ پاننگ کپنہ۔

دا شیرتا جوڑ کروکاک دیر مسونو دا ہم ننے معلوم اف۔

دا خلقى شیرک ننے کسان سینہ بہ سینہ سر مسونو۔

ولے وخت تون اواراوار دا شیرتا ٹھپہ غاتے تی ودی کی مریسہ بسونے۔

ہر دوراٹ ہمو دورنا بندغ آک تینا تینا وڈاٹ دا شیرتے ٹی ٹھپہ شاغیسہ کرینو۔